

Ekwo-ozĩ Kẹ Mbũ,
Pyĩta
Deru

¹ Ekwo-ozĩ-a shi l'ẹka mbẹdua, bũ Pyĩta, bũ onye-ishi-ozĩ Jizọsu Kéreshi. Ndu mu ede iya anũ bũ unubẹ ndu Jiu ono, a chikashiru unu laa ọhozo je ebugbaaru ono. Ndu eburu lẹ Pọntosu; ndu eburu lẹ Galeshiya mẹ lẹ Kapadosiya; mẹchaa lẹ Eshiya yẹe Bitiniya. ² Mbũ unubẹ ndu Chileke, bũ Nna họtaru mee; unu bũru nkiya. Chileke họtaru unu; kẹle o shikpọoro lẹ mbũ maru l'unu l'a-bũru ndu nkiya. Tọbudu iya bũ; ọ bya ezia Unmedu-Nsọ; o mee unu: unu bũru nkiya; k'ọphu unu a-nọdu anũjeru Jizọsu Kéreshi opfu; wafũa gẹ Jizọsu ono egude mee ya safukota unu iphe-ẹji, unu mekọtaru g'ọ ha.

Mu sũ gẹ Chileke mee g'eze-iphe-ọma nkiya yẹe nchị-ọdu-doo rwube unu ẹka; rwube iya unu k'anyinyi.

Ele ẹnya ndzũ ojejoje

³ G'anyi jaa Chileke ajaja. Ọo ya bũ Nna Nnajiuphu anyi Jizọsu Kéreshi. Ọ phũwaru anyi obu-imemini ọphu nyĩberu g'aa-tũ ọnu iya. O mewaru Jizọsu Kéreshi: o shi l'ọnwu teta nọdu ndzũ. Ọ gbẹ l'ono nwũ-phu anyi azũ ọzo. Nta-a bẹ anyi elewaa ẹnya ndzũ ọphu anyi a-dzũru jasũ lẹ tuutuutu lẹ mĩimiimii. ⁴ Anyi elekwaphọ ẹnya l'anyi l'unu e-mechaa tũko gbarũ mgba nweru iphe-ọma, Chileke doberu unu l'imigwe; mbũ iphe-ọma ọphu ta abyadũ erehu erehu; ọphu ọ byadu emebyihu emebyihu; ọphu ọ yĩdu kahũ akahũ. ⁵ Ọo kẹle ọo l'unu woru onwunu ye Jizọsu l'ẹka bẹ meru g'o gude ọ nọdu egudeje ike iya akwachi unu g'ọ tọ dũ iphe l'e-me unu jeye teke

oo-goshi unu le̱ ya dzɔhawaruro unu. O kwarɔ l'ikpazu be̱ oo-goshi iya unu.

⁶ Ono bukpoadanu iphe unu a-nɔduje ete eswa iya; a makwaru-a l'unu jefutaje iphe-ehuka, du iche iche, a-hu unu ama; o̱le ono bu-a ke̱ nwa nta-a; o̱ to̱ du̱du g'oo-nɔ-beru; ⁷ k'ophu e-gude iphe-ehuka ono hu̱ta ekweta unu ama maru ?to̱ du̱du nu nyegenyege. Unu leanarɔ mkpɔla-ododo. O bu iphe, vu oke aswa teme o nɔdu emebyihujekwanu emebyihu. O bu̱leru-a l'oku be̱ aahuje iya gude maru ?o bu ɔkpobe iya. Nokwapho g'aahuta ekweta unu ama g'a maru ?o bu ɔkpobe iya. Ekweta ono be̱ unu maanaru-a l'aswa iya ka ke̱ mkpɔla shii. A -dalechaa ya; o -buru ɔkpobe ekweta; l'aa-jaa unu ajaja; mee g'unu nwua phoo g'iphoro̱, shi Chileke l'eka; aakwabekwapho unu ubvu. O buru mboku ono, Jizosu Kereshi a-bya ono be̱ o-nwukota nno. ⁸ Onye unu yeru obu; l'ebe abu l'unu gude enya huma iya; unu ta ahumaduru iya l'enya ke̱ nwanta-a; obenu l'unu kweru nkiya; ete eswa; eẖu nɔdu atsɔ unu k'ophu aamaḏu g'a-ṯu onu iya. ⁹ Iphe ono, unu ele enya iya ono, rwua unu eka; mbu l'obu unu be̱ a dzotaru.

¹⁰ Ndu mpfuchiru, pfuru k'eze-ipe-oma ono, eemechaa meru unu ono; tokpooru nwehu cho̱o ndzota ono ɔkpobe achocẖo. ¹¹ Epe mee g'ephe maru teke Unme Kereshi, no phe l'ime epfu ama eka l'oo teke Kereshi e-je iphe-ehuka; yee teke a-kwabe iya oke ubvu. ¹² Tobudu iya bu; Chileke bya emee ndu mpfuchiru iya ono, epe maru l'ozi ono, ya ziru phe̱ ono ta abudu ozi eẖu phe; l'oo unubedua be̱ e ziru phe̱ iya g'ephe bya ezia. Nta-a be̱ unu shiwa l'eka ndu-ozi ono, bu phe̱ byaru ezia ya unu ono bya amaru iya. Epe byaru bya egude ike ke̱ Unme-du-Nso̱ zia ya unu. Unme-du-Nso̱ ono bu Chileke be̱ shi l'imigwe ye phe̱ iya l'eẖu. Ozi ono,

e ziru unu ono bẹ agụchakwaa agụ ụnwu-ojozi-imigwe. Ọ dụ phẹ g'a sụ l'o nwekpọoru g'e meru: o doo phẹ ẹnya.

Umere, dụ Chileke ree

¹³ Ọo ya bụ; unu chikobe egomunggo unu l'ekalanu; g'ọ kwabẹ akwabẹ g'onye liru anamụ l'upfu; unu esedeje onwunu esede; unu elekwaphọ ẹnya eze-iphe-oma ono; Chileke e-meru unu teke Jizọsu Kéreshi e-goshi onwiya ono. ¹⁴ Lẹ teke unu te eshidu mawaru ọkpobe-opfu ono bẹ bụ ẹgu ẹjo-iphe, shi anọduje agụ unu shi kpuru unu l'ẹka. Nta-a, unu bụwaa ndu l'anuru Chileke opfu-a unu te ekwekwa g'egu ẹjo-iphe kpukwaduru unu ẹgube ono, o shi kpuru unu ono. ¹⁵ Iphe, unu e-mechia nta-a bukwa g'unu shi l'iphemiphe, unu eme goshi l'unu dụ nsọ; lẹ Chileke ono, bụ iya kuru unu ono bẹ dukwa nsọ. ¹⁶ L'e dekwaru sụ: “Unu dukwa nsọ; lẹ mbedua dukwa nsọ.”

¹⁷ Ọobujeru; unu -nọdu epfu anụ Chileke; unu eku iya Nna; mbụ Chileke ono, bụ iya bụ onye ekpejeepho onyenonu ikpe g'iphe, o meru gbaru; ọphu ọ dudu onye oomeje ele ẹnya l'iphu. Noo g'o gude unu je anọdu ndzụ unu l'ophu; tsuje iya ebvu lẹ mgboko ọwa-a, a byaru abyabya-a. ¹⁸ Unu nyatajekwa iphe, o phuru Chileke tẹmanu ọ gbata unu l'ẹka mkpokoro umere ono, unu nwutaru l'ẹka nna, nwuru unu phẹ ono. Iphe, o gude pfa aswa ishi unu gbata unu ta abukwa iphe emebyihuje emebyihu g'okpoga-mkpola-ochaa mẹ mkpola-ododo. ¹⁹ Iphe, o gude gbata unu bụ mee ono, aswa iya paru ẹka ono, bụ iya bụ mee Kéreshi. Kéreshi ono bẹ dụ gẹ nwaturu, e gude eje egwe ngweja; nwaturu, adukpodaa ẹka uta dụ iya l'ẹhu ilile; tẹme ẹbe ọ dudu ẹka iphe, takuru iya l'ẹhu. ²⁰ Ọo iphe ono bẹ Chileke họtaduru

iya. Ọ họtaru iya rọ tẹme mgboko dụ; o rwua lẹ nta-a, bụ ikpazụ-a; o gude k'iswi ẹhu unu goshi iya ndiphe. ²¹ Ọo Kéreshi ono bẹ unu nọ l'ẹka iya kweta kẹ Chileke; ọ bụru Chileke ono meru iya o shi l'ọnwu teta dzuru ndzụ; bya abụkwaru iya phọ kwabẹru iya ùbvù ọphu shi l'imigwe. Ọo ya bụ; l'unu nọwa Chileke l'ẹka elekwaphọ ẹnya l'ọo ya l'a-dzọ unu.

²² Sụ-a; unu anọduje eme iphe, Ọkpobe-opfu ono pfuru. Unu shi ẹgube ono safukota iphe, dụ ẹji lẹ ndzụ unu; k'ọphu bụ l'unu byaru bya eyewa ụnwunna unu obu; ọphu obu ọbu, unu yeru ụnwunna unu ọbu abụkwa tuko-l'ẹhu-atuko-l'obu. Ọo ya bụ; unu ta ahakwa eye nwibe unu obu. Unu kukebejekwa ẹhu gude Ọkpoma unu l'ọphu yee nwibe unu obu. ²³ Kẹle e gudewaa opfu Chileke ọphu dzụ ndzụ ojejoje nwuphu unu azụ; ọphu o to shidu lẹ ndzụ erehuje erehu; ọ chia ọphu tee rehedu erehu.

²⁴ Kẹle

“Nemadzụ l'ọphu dükota
g'ẹswa.

Mma kẹ nemadzụ
dükwapho g'okoko
ẹswa ono.

Ẹswa -kpọhuwaa nkụ bẹ
okoko iya erishihuje
dashihu.

²⁵ Obenu l'opfu, Nnajiuphu
pfuru
a-dụepho jeye l'ojejoje.”*

Opfu ono bẹ bụ iya bụ ozi-oma ono, a byaru ezia unu onoya.

* 1:25 1:24-25 Gụnaa Azá 40:6-8.

2

Mkpuma, dzu ndzu; buri iya gude ɔlo

¹ Ọo ya bu; unu tua onwunu ẹkpụ tushia iphe, bukpoọ ẹjo-iphe, unu eme. Unu haa adzu ụka; ọphu ọ dūhe onye a-buru tuko-l'ẹhu-atuko-l'obu; unu ahaa ẹnya-pfurupfuru; haa epfubyishi nemadzu ibe unu. ² G'ọ buru g'egu ẹra l'anọduje agụ nwamee nshị-a bu g'opfu Chileke anọduje agụ unu; mbu opfu Chileke ono, e te emerwushiduru emerwushi ono; ọo ya bu g'unu e-gude iya vua evuvu; vuta k'ọphu Chileke a-dzo unu. ³ Lẹ unu lẹ Nnajiuphu megbabewaru iphe; unu huma l'ọ dū ree.

⁴ Sụ-a; unu byapfuta Nnajiuphu ono. Ọo ya be bu mkpuma ono, dzu ndzu ono, Chileke gude tua ọkpa ɔlo iya ono. Mkpuma-a be ndiphe hofuru tuphaa sụ l'ọ bu ọgalemkpa. Ọle humanu; l'ẹnya ke Chileke be ọ gbẹchikwa buru iya be ọ hotaru kwabe ụbvù. ⁵ Unubedua kwapho, bu ndu dū ge mkpuma, dzu ndzu; be Jizos Kéreshi gudekwa akpu ɔlo Unme-dụ-Nsọ; edozi ọgbo uke, dū nsọ ke Chileke. G'unu buru ndu anọduje anu Chileke ngweja, dū iya ree. ⁶ Kele e deru l'ekwo-opfu Chileke sụ:

“Lenu; mu gudeakwa ẹka mu
 togbo mkpuma lẹ Zayonu.
 Mkpuma ono be mu hotaru;
 ọ buru
 mkpuma vu oke-aswa;
 teme ọ buru itso gude ɔlo.
 Iphe, bukpoọ onye daphuberu
 iya nu be
 ta abyakwa akwa izimanu.”

⁷ Ọ kwa l'ẹhu k'unubedua, kwetaru ke Kéreshi be mkpuma ono bu iphe, akwabẹ ụbvù; a bya l'ẹhu ke ndu te ekwedu ke Kéreshi be;

“Mkpuma ono, ndu l'akpu
 ụlo jikaru ono
 mechaaru bya aburu
 mkpuma, gude ụlo.”

⁸ Teme e dekwaapho sụ:

“Mkpuma ono be bukwa
 mkpuma,
 anoduje adu ndiphe
 upfu
 bya abukwarupho epfu,
 ephe e-vukotaje daa iko.”*

Noo kele ephe jikaru ekweta opfu Chileke. O buru ge
 Chileke dobekpohawaru l'oo-du phe bu onoya.

⁹ Obenu l'unubedua bu ndu Chileke gude eka iya hota.
 Unu bu ogbo uke ke Chileke; bya aburu oha du nsq;
 buru ndu Chileke nwe enwenwe; k'ophu unu e-me g'ajaje
 iya ajaja; mbu onye ono kufutaru unu l'ochii kuru unu
 ye l'iphoro iya, du biribiri ono. ¹⁰ O dukwaru teke unu
 eshidu buru ndu ke Chileke; nta-a be unu buwaa ndu
 nkiya. Ete shidu phuru unu obu-imemini; obenu le nta-
 a be o phuru unu obu-imemini.

Umere, gbaru ndu Kereshi towaru l'egbu

¹¹ Ndu mu yeru obu; unu bukwa nlwamulwa le
 mgboko-a; teme unu byakwa iya pho g'onye kpaftaru
 uri. Oo iphe ono meru g'o gude mu nodu epfuru iya
 unu; epfushiru iya unu ike su unu jiko g'unu te ewokwaru
 onwunu toghoru egu ejo-iphe, du iche iche, anoduje agu
 nemadzu egu ememe. O kwa ndzu ophuuo ono, Chileke
 nuru unu ono be egu eme ejo-iphe ono anoduje etso
 ogu. ¹² G'umere unu shije ekiri l'iphu ndu ete ekwedu
 ke Chileke; k'ophu bu ephe -bokponu unu ibo l'unu bu

* 2:8 2:8 Guna Azá 8:14.

ndu eme ẹjo-iphe; ẹphe eleanaa umere unu l'ọ dụnukaru ree; ẹphe egudekwanu iya jaa Chileke ajaja mbọku ono, ọo-bya ekpee phẹ ikpe ono.

¹³ Unu wozejekwa onwunu ali l'iphu ndu ọha meru ndu-ishi; m'Ọbvụ Nnajiuphu; l'iphu ndu-eze, bu phẹ bẹ ike du l'ẹka; ¹⁴ mẹ l'iphu ndu bu ọ-chi-ọha, bu ndu e yeru g'ẹphe hùje ndu eme ẹjo-iphe ahùhù; ẹphe ajajẹ ndu ọphu eme iphe, du ree ajaja. ¹⁵ Noo kẹle iphe, du Chileke l'uche bu g'unu gude umere ọma mechishia ẹhu-eswe ẹhu-eswe ndu amadu iphe anọduje epfuru unu ono. ¹⁶ Kéreshi bẹ tọakwaru unu l'ẹgbu. Ọle ọ tọ bukwa g'unu bya eworu onwunu saaru eme iphe-ẹji ọgbo. Unu mejechia umere, gbaru ndu ejeru Chileke ozi. ¹⁷ Unu kwabẹje onyemonye ùbvù. Iphe, bukpo ndu bu unwunna; mbu ndu nọ Kéreshi l'ẹka; bẹ unu eyekọtaje obu. Unu tsujekwa Chileke ebvu. Unu akwabẹjekwapho eze ùbvù.

Iphe-ẹhuka, Kéreshi jeru bu anyi iphe-leta-mee

¹⁸ Unubẹ ndu ejeru nemadzụ ozi; unu wozejekwa onwunu ali l'iphu nnajiuphu unu; kwabẹje iya ùbvù. Iphe, bukpo iphe, ẹphe sụru g'unu mee; unu mejekwa iya. G'Ọ tọ bukewapho onye ọphu nnajiuphu iya duru odoo bya emeru ọnu uto bẹ a-kwabẹje iya ùbvù kpoloko. G'onye ọphu nnajiuphu iya duru ẹhuka kwabẹjekwa iya pho ùbvù. ¹⁹ Chileke bẹ ẹhu atsojekwa uto mẹ ọ -buru l'unubẹ ndibe iya gude iya ata nshi eje iphe-ẹhuka, byaru unu; mbu iphe-ẹhuka, e meru unu; unu nọdu eje l'ẹbe abu l'ọ duru iphe, unu meru, du ẹji. ²⁰ Ọle ọ tọ bukwa: a -nọdu ahù ngu ahùhù iphe, du ẹji, i meru i nọdu ata nshi; ono ta agbakwaru g'a jaa ngu ajaja iya. Ọ kwa onye meru iphe, du ree; a nọdu echi iya iphe ẹheni; onye ono nọdu ata nshi; noo onye Chileke a-ja ajaja iya bu ono.

²¹ Noo l'Ọ kwa eje iphe-ẹhuka ẹgube dū Chileke ree ono bẹ Chileke kudoru unu oku iya. Lẹ Kéreshi l'onwiya gudekwa k'iswi ẹhu unu jekwaapho iphe-ẹhuka. Ono bụwaruro iphe-leta-mee bẹ o meru doberu unu; k'ọphu unu a-nọdu anwu ẹka iya. ²² “Onye adudu iphe-ẹji, o mejeru; ọphu ntuphu-ire adujeduru iya l'Ọnu.” ²³ A kwagokpokwaaru iya ìphù; ọle o to phulataduru. E mee ya mkpawere; ọphu ọ dudu onye ọ sọjeru lẹ ya e-melata. Iphe, o mechiaru bụ l'o woru onwiya ye Chileke l'ẹka; mbụ Chileke ono, bụ onye-ikpe, ekpeje ikpe, pfuru nhamunha ono. ²⁴ Kéreshi l'onwiya bẹ vutawaru iphe-ẹji, anyi meru g'ọ hakota l'ẹhu onwiya teke ono, a pfugburu iya l'oswebe onoya. G'anyibedua ono, nọ l'eme iphe-ẹji nwuhu anwuho ono abya adzuru ndzu buru ndu pfuberekoto. Ọ kwa igbiri ẹchachi e chiru iya bẹ e gude mee g'unu wekoro. ²⁵ Noo l'unu shi eje phururugbadaa g'aturu, ephu ụzo; obenu lẹ nta-a bẹ unu lwaphutawaru azu; lwapfuta onye ono, eche unu g'onye eche aturu; bya abukwarupho onye eleta ndzu unu ẹnya ono.

3

Umere, gbaru nwanyi yee ji iya

¹ Nokwapho g'ọ dū unubẹ unwanyi, alu ji. Unu wozejekwa onwunu alì l'ẹka ji unu nọ. Ọo ya bụ k'ọphu bụ; o -nweru ji unu phẹ ndu ọphu te eyejedu ọnu l'opfu Chileke; ẹphe ahuma ẹguru umere, unu eme gude iya bya emelaha opfu, Chileke pfuru; m'obetaruro ọphu unu epfuduru phẹ kẹ Chileke. ² Noo kẹle ẹphe e-gudewarọ ẹnya phẹ ahuma umere, adudu ẹka uta dū iya, unu eme eyeru phẹ; opfu l'unu atsū Chileke ebvu. ³ Omemma unu ta agbakwaru g'ọ buru iphe, eme l'akpo-ẹhu, bụ iya bụ aswngashi ẹgbushi; waa egude unwu iphe, e meshiru lẹ mkpola-ododo kwaa onwunu ngwa; yele eye ẹrengete

uwe. ⁴ G'ò bũjechiaru g'unu e-me dozirwee ime òkpoma unu g'ò tò bũru òka retòshihuru eretòshihu; g'ò bũru omemma k'eme odoo yee eji obu oyi. Iphemiphe ono bẹ tũkokwaru bũkotaru iphe, aswa parũ òka l'anya kẹ Chileke. ⁵ Kẹle ọo ẹgube ono bũ g'unwanyi shi egudeje eme omemma nkephẹ teke k'ichee. Ẹphe shi edobejeru onwophẹ Chileke ichẹ; tẹme ẹphe shi anọduje ele Chileke ẹnya l'òka. Ẹphe shi ewozeje onwophẹ alì l'iphu ji phẹ. ⁶ Ọo ẹgube ono bẹ Sera shikwaphọ anũru Ẹbirihamu opfu ekuje iya nnajũuphu. Nta-a bẹ unubẹdua bũakwaa òkpobe unwu Sera mẹ unu -nọdu emeje-a iphe, p̄fũru ọto; ọphu ọ dũdu iphe, eyejekwadu unu ebvu.

⁷ Unubẹ ndu ọphu bũkwanu unwoke, alũgbaa nwanyĩ; unu mejekwaruphọ nyee unu umere, dũ ree. Unu maru onwunu ẹhu l'alũlu, unu alũ nwibe unu. Unu kwabẹjekwa phẹ ùbvù; eshinu unu maanarũ-a l'unwanyi bẹ ùvohu ka b'adũ; eme lẹ nwoke. Unu letajẹ phẹ ẹnya; mejeru phẹ iphe, mkpa iya dũru phẹ. Noo kẹle unu l'ẹphe a-tũko shi l'òka Chileke gbarũ mgba nweru eze-iphẹ-ọma ono, bũ iya bũ ndzũ ojejoje. Unu mejekwa umere, dũ ẹgube ono k'ọphu ọ tò dũdu iphe, akpòshi unu epfu anũ Chileke.

Ewere, eeme onye p̄fũberekoto

⁸ Ẹka mu a-sũbe opfu ono ishi bũ; g'uche unu bũjekwaru nanũ. G'iphe-ẹhuka, byaru nwibe unu rwuje unu l'ẹhu g'o rwuru onye ọ byaru. Unu yejekwa nwibe unu obu. Noo kẹle unu bũ ndibe Chileke. Unu bũkwaru ndu obu-imemini. Unu wozejekwa onwunu alì l'òka nwibe unu nọ. ⁹ Onye -meru unu ẹji; unu te egudejekwa eme ẹji p̄fũa ya ùgwo iya. Onye -phuru unu iphu; unu te ephulatajẹkwa. Ọ chikwaa iphe, unu e-mejechia bũ

g'unu g'ojechiaru ɔnu-ɔma nũ onye ɔbu. L'iphe, Chileke kuduru unu oku iya bukwa g'e ya g'oru ɔnu-ɔma nũ unu.

¹⁰ “L'iphe, bũ onye ɔ dũ g'a
 sũ l'e ndzũ iya e-tse ogologo;
 t'eme ɔ dukwa iya ph'ɔ g'a
 sũ l'e
 mb'oku-mb'oku abũjeru
 iya k'oma;
 g'onye ono te egudeh'ekwa
 ire iya tũ ikpoki;
 ɔphu onye ɔbu adzũjekwa
 ũka.

¹¹ G'onye ono gbakũtaru
 eme iphe-ɛji azũ
 watachia eme iphe,
 dũ ree.

G'onye ono kukebeje ɛhu
 ch'ɔ iphe,
 bũ o -mee ya nchĩ-adũ-doo.

ɔ -ch'ɔta iya g'ɔ t'ɔ tũwokwa
 iya ɛka.

¹² Noo k'e Nnajiuphu,
 bũ Chileke
 b'e an'ɔdujeeppo eleta
 ndu pfũberekoto
 ɛnya.

ɔ n'ɔdu angab'ejekwapho
 nchĩ nũma epfupfu,
 ɛphe epfu anũ iya.

Obenu l'e ndu ɛjo-iphe
 b'e ɔoghajeru azũ.”*

* 3:12 3:10-12 G'ũnaa Ebvũ 34:12-16.

¹³ Sũ-a; ?dɛnukpoo onye sũru unu emekata mɛ ɔ - nɔdu ehe unu ihee eme iphe, pɔfũru nhamũnha? ¹⁴ Ɔ - bũkpooru nũ l'unu a-nɔdu eje iphe-ɛhuka; opfu l'unu eme iphe, pɔfũru-ɔto; g'ɛhu tsɔjekwa unu. Gɛ ndzũ ta agũjekwa unu m'ɛphe -nɔdu eye unu ebvu; ɔphu ɔ dũkwa iphe, unu ejejekpoo ayɔ ɔshi iya. ¹⁵ Iphe, unu e-mejehia bũ g'unu gudeje obu unu g'ɔ ha kwabeje Kéreshi, bũ Nnajiũphu unu ùbvù; gude goshi iya l'oo ya bũ Nnajiũphu unu. Unu kwagebejɛpho akwagebe tekenteke k'ɔphu bũ l'ɔ -dũru onye jĩru unu k'iphe ono, unu ele ɛnya iya ono; unu eyeeru iya ɔkpobe ɔnu; goshi iya iphe, meru g'o gude unu nɔdu ele ɛnya iphe ono, unu ele ɛnya iya ono. ¹⁶ Unu meje nno g'obu ataa awajekwanu unu mini; k'ɔphu bũkwanu o -nweru ndu l'epfuru unubɛ ndu kɛ Kéreshi ɛjo opfu; unu egude umere ɔma ono, unu eme ono meru iphere kpua phɛ.

¹⁷ L'ɔ kakwa ree lɛ nemadzũ jeru iphe-ɛhuka; opfu l'oome iphe, dũ ree; m'ɔ -bũkwaru l'ɔ bũ iphe, dũ Chileke l'uche bũ onoya; eme lɛ nemadzũ anwũ ɔnwu ɛjo-iphe, o meru. ¹⁸ Kɛle Kéreshi l'onwiya jekwarũpho akpɔ iphe-ɛhuka lanũ nwũhu kɛle ndiphe eme iphe-ɛji. Ɔ bũru onye ono, pɔfũberekoto ono bɛ nwũhu-chiru ndu apɔfũbeduru-ɛka-ɔto; k'ɔphu oo-duta anyi dupfu Chileke. Ndiphe bũ egbugbu mmanũ bɛ ɛphe gburu ogwɛhu iya. Obekwanu lɛ Unme Chileke meru iya ɔ nɔdu ndzũ. ¹⁹ Ɔ bũru ike Unme Chileke ono bɛ o gude bahũ lɛ maa jepfu ndu maa ono, a tuchiru lɛ mkpɔro ono je epfuaru phɛ opfu Chileke. ²⁰ Lɛ teke ndiche ono, Nuwa kũru eze ugbu ono bɛ ndu teke ono jĩkakwaru angabɛ nchĩ l'iphe, Chileke epfu; Chileke takpɔepho nshi ngabɛkotaru phɛ; ɔphu ɔ dũdu; jeye teke ɔ nɔnyaru ɔ haa mini; ɔ bya erigbushikɔta phɛ. Ɔ bũerupho nwa ndu abadu ishi bɛ bahũru l'eze ugbu ono; iphe, ɛphe dũ bahũ iya bũ

umadzu ęsato kpoloko. Ọ bũru mini ono, uębo ono ese eli l'eli iya ono bę Chileke shi dzoo phę. ²¹ Mini ono bę nọ ọnodu baputizimu, e gude adzo unu kwapho. Ọ tọ bũkwa l'a asafuęe anyi inyi l'ęhu; ọ chikwa l'anyi egudeje iya arwo Chileke g'o mee g'obu ta awa anyi mini. Ọ bũru l'eteta, Kęreshi shi l'ọnwu teta nọdu ndzũ bę ooshije dzoo anyi. ²² O tetaru ono lashiya je anodu l'imigwe l'ękutara Chileke, bũ Nna. Iphe, bũkota ojozi-imigwe g'ęphe hakotakpoo; mękpoo iphemiphe, ike dũ l'ęka; mę iphemiphe, bũkotakpoo ndu-ishi l'imigwe nọdukota iya l'ęka.

4

Ndzũ ọphúú

¹ Kęreshi bę jeru iphe-ęhuka teke ọ nọ lę mgboko-a. Ọo ya bũ; g'ọ bũekwarupho gę k'iphe-ęhuka ono dũ Kęreshi bũ g'ọo-dũje unu; mbũ g'unu kwakobekwa k'ęje ęgube iphe-ęhuka ono. Ọ tọ dũkwa onye jeębejeru ęgube iphe-ọtsu-l'ęhu ono lę mgboko-a ọ gbęshi jeye ęka l'eme iphe-ęji ọzo. ² Ọo ya bũ; unu wataękwapho eme iphe dũ Chileke l'uche. Ọ bũru g'unu e-gudewa iya rọ ememe bũ onoya lę nwa nta-a, unu nọkwadu l'eliphe l'ęka-a. Unu te eyeękwaru ęgu ęjo-iphe agugbabe unwuliphe ọnu. ³ Unu lewaro ime teke unu shi meta iphe, unwuliphe eme. Unu shi bũru ndu iphere bvũru l'iphu; unu nọdu ewojeru onwunu haarũ ęgu ęjo-iphe; yę angunuka męe yęe ęjo-uzere; mę etsojeęrupho achorphe ęka unu angũ męe; yęe anodu agwaphe agwa mę obvu. ⁴ Nta-a bę ọ gbękwa bya adũ ndu ono, ta amadu Chileke ono biribiri l'unu te etsojeęduru phę emephe ęjo ememe ono; ọphu unu l'ęphe anodedu ndzũ ọla-l'iswi ono. Ọo iphe ono meru g'o gude ęphe nọdu anoduęe epfubyishi unu. ⁵ Ọle mboku, Chileke e-kpe phę

ikpe abyaakwa. Oo mboku ono be epe a-bya apfuru Chileke l'iphe; gude onu phe shi ishi lanu dokotaru iya iphe, epe meru l'eli-mgboko-a; mbu Chileke ono gbep kwakobehawanu k'ekpe ndu nwuhuru anwuhu me ndu no ndzu le mgboko-a ikpe ono. ⁶ O kwa iphe ono meru g'o gude e je ezia ndu maa ozi-oma ono k'ophu e-kpe phe ikpe, duru ogwehu; epe anodukwanu ndzu ophu Chileke no.

Egude iphe-oma, Chileke meru ngu jeeru iya ozi

⁷ Su-a; teke iphemiphe-a l'avu be dukwaa ntse. Oo ya bu g'unu sedeje onwunu; g'enya doo unu risaa; k'ophu unu a-duje ike epfu anu Chileke. ⁸ Ophu kachakpoonu bu g'unu yeekwapho nwibe unu obu okpobe eyeye kwaseru; kele egube n-yemobu ono ekpuchijekwa ikpoto iphe-aji. ⁹ Unu kwajeru nwibe unu ebyaa. Ole g'unu ta agujekwa aphu iya. ¹⁰ Eshi ophu Chileke megbawaru unu eze-iphe-oma, du iche iche; bya anuchakwaapho onyemonye iphe-oma l'ehu l'ehu; g'onnyemonye gude iphe-oma ophu Chileke nuru iya mee iphe, a-baru nwibe iya urwu. O kwa unu mee nno l'o buru iya bu l'unu bu ndu letaru enya okpobe eleta l'iphe-oma, Chileke nuru unu. ¹¹ O -duru onye epfu opfu; g'onnye ono pfuje ya pho g'o bu Chileke l'onwiya epfu iya. O -duru onye eyetaru ndu ozo aka; g'onnye obu yetaje iya ge Chileke nu-beru iya ike. Oo ya bu; g'ee-shikwanu l'iphe, anyi emeje ememe ndiphe eshi Jizosu Kereshi l'eka kwabe Chileke ubvu; mbu onye ono, okwabe ubvu me eze ike, paru aka apaa; bu nkiya ono jasu le tuutuutu le mimiimii. Nokwa g'o du.

Iphe-ehuka, ndu no Kereshi l'eka eje

¹² Ndu mu yeru obu; g'ejo iphe-ehuka ono, abyapfutaje unu ono ta adujekwa unu biribiri. Egube oke iphe-ehuka

ono bukwā iphe, e gude eme g'a maru ?unu noshiru-
 a ike l'eka Chileke. G'ọ tọ dọjekwa unu g'ọ bu iphe,
 ẹti iya adujeduru be byapfutaru unu. ¹³ Ọ chikwaa
 iphe, unu e-meje bu g'ehu tsoje unu utso l'unu tukoru
 gbaru mgba eje udu iphe-ehuka, Kereshi jeru; e -mechaa
 g'ehu akwata tsoo unu tsohikpoo ya unu ike mboku ono,
 Chileke e-goshi odu-biribiri Kereshi ono; mbu unu a-
 kwata gude obu unu g'ọ ha tee eswa. ¹⁴ Ọ -buru l'egude
 iswi ehū Kereshi akọ unu onu; be unu bukwaa ndu a
 goru onu-oma nu; noo kele Unme Chileke, bu iya emeje
 g'unu gbaru mgba l'odu-biribiri Chileke anopyabewaro
 unu l'ehu kwaseru. ¹⁵ Ọle o -duru onye l'eje iphe-ehuka;
 g'iphe-ehuka, ooje ta abukwaru k'iswi ochi, o gburu;
 ozoo iphuru o ziru; ozoo ejo-iphe ozo, o meru; ozoo kele
 o bu onye eseje opfu. ¹⁶ Ọ chia teke unu eje iphe-ehuka
 opfu l'unu bu ndu ke Kereshi; g'iphere iya ta adukwa
 unu; o chia g'unu keleje Chileke ekele l'ọ epha Kereshi
 be eeku unu.

¹⁷ Le teke Chileke e-kpe ndiphe ikpe dukwaa ntse. Ọ
 buru ndibe iya be oo-vuru uto dabẹ ikpe obu l'ehu.
 Teke o bu le Chileke vu uto dabẹ anyi egube iphe ono
 l'ehu; doanaa mu ro g'ọo-dukpoo ndu ono, jikaru ozi-
 oma Chileke ono.

¹⁸ “Teke o bukwanu le
 g'e-me dzota onye
 pfuberekoto
 shihuru ike egube ono;
 leanaro g'ọo-duru
 ndu ta atsudu Chileke
 ebvu mewaro iphe,
 bukpuo ndu ozo,
 ta anuduru Chileke

opfu g'ẹphe ha.”*

¹⁹ Oo ya bu; g'iphe, bukpuo ndu eje iphe-ẹhuka le g'ọ du Chileke g'ẹphe jee ya; mejekwa umere ọmaa. G'ẹphe wokwaru ndzu phe ye Chileke ono l'ẹka, bu onye ono, meru phe nu; teme o buru onye epfuje iphe; pfushia ike l'iphe, o pfuru.

5

Eleta ndu Chiochi ẹnya

¹ Iphe-a, mu abya epfufu-a bukwa ndu e meru ọgerenya Chiochi be mu epfu eyeru. Le mbẹdua, bu Pyiṭa bukwa onye e meru ọgerenya Chiochi g'unu bu teme mu gudekpoo ẹnya mu humakota iphe-ẹhuka ono, Kereshi jeru onoya g'ọ hakotakpoo gberegedege. Mu yikwarupho le ndu onye le Kereshi gbawaa mgba nweru ọdu-biribiri iya, bu iphe, ata duedu g'oo-nọ-beru Chileke emee l'aa-huma-dzuru iya. ² Su-a; unu chejekwa unwu aturu Chileke ono nche, letaje phe ẹnya ree. Unu egude obu unu meje iya egube o du Chileke l'uche; unu te emejekwa iya g'ọ bu iphe, e kebutaru unu ekebuta; o chia g'unu yeru ẹhu l'eje ozi ono. Unu te ejekwa iya nweru ẹkpiri okpoga. ³ Unu te emejekwa ndu ono, Chileke yeru unu l'ẹka ono g'ẹphe bu ohu, unu gbaru agbagba. G'umere unu buchikwaaru phe iphe-leta-mee. ⁴ Oo ya bukwanu g'oo-buru teke onye-ishi ndu nche aturu ono byaerupho k'egoshi onwiya l'oo-mee g'unu nọdu ndzu ojejoje, bu iya bu obunggo, du biribiri, ata yidu mebyihu emebyihu.

⁵ Nokwapho ge mu akakwarupho unube ndu ophu ka aburu unwegirima; unu wozejekwa onwunu ali l'iphu ndu bu ọgerenya. Mbụ-a; iphe, mu epfuru unu g'unu

* 4:18 4:18 Gūnaa Ẹtu 11:31.

ha bu; g'iphemiphe, unu eme goshijekwa l'unu ewozeje onwunu ali l'eka nwibe unu no. Unu eyetajeru nwibe unu eka; kele "Chileke ajikajekwa ndu eku onwophẹ; o nodu emejekwanuru ndu ophu wozeru onwophẹ ali eze- iphe-oma." ⁶ Oo ya bu; unu wozeta onwunu ali l'iphu Chileke; k'ophu oo-woli unu eli me o -rwuẹpho. Chileke ono bukwa iya be bu Okalibe-Kakota-ike.

⁷ Unu tuko iphe, bukpuo iphe, unu ayọ oshi iya tuko ye Chileke l'eka; kele enya iya ta alufujedu alufu l'eka unu no. ⁸ G'enya doo unu risaa g'unu nodu che nche l'onye ohogu unu, bu Nsetanu tsoakwaru ejephe g'oduma, tsoru aba hanyihanyi achọ onye o-o-dzu-gbu lajashia taa. ⁹ Unu pfu-chije iya uzo; unu apfu-shikwanaa ike l'ekwekwe, unu kweru ke Chileke; l'unu maakwaru-a l'unwunna unu g'ephe hakota l'eliphe-a be tukoru ejekota egube iphe-ehuka ono. ¹⁰ Obenu l'oo Chileke ono, bu iya bu onye eze-iphe-oma kpakoru mikoo l'eka ono be kuru unu g'unu le Kereshi tugba buru nanu; oo ya bu g'unu l'iya atuko nodukota l'eka lanu, bu eka odu-biribiri iya ono, ata bvudu abvubvu ono no. Oo ya bu l'unu -jetaepho iphe-ehuka ono nwanshii; yebedua l'onwiya emee unu; unu adukota ree; mee unu; unu eshihu ike; bya emekwapho unu; unu akabaa apfushi ike l'ekwekwe, unu kweru. ¹¹ G'ikemike bukotaruru nkiya jasu le tuutuutuu le mimiimii. Nokwa g'o du.

Ekele mkpochi-ishi

¹² Mu pfuakwaru nwakpuru opfu olemole deeru unu l'ekwo-zi-a. O buru Sulivanusu be gude eka iya deeru mu iya. Sulivanusu ono bu nwanna anyi, mu maru l'o bu onye e gude ire iya eka. Su-a iphe, mu ederu iya unu bu ge mu gude iya mee g'obu shihu unu ike; teme mu nodu emekwapho ge mu gude iya pfuru unu l'iphemiphe

ono bẹ tukuru buru eze-iphe-oma, shi Chileke l'eka. Unu pfukwaru l'eze-iphe-oma ono; pfushia ya ike.

¹³ Lẹ ndu kẹ Chileke, nọ lẹ Babilonu; mbụ Chiochi, Chileke hotakwarupho g'ọ hotaru unu bẹ l'ekekwaro unu. Maku, bụ nwa mu ekekwaro unu. ¹⁴ Unu kelekwa nwibe unu ekele; nmata phẹ akpa, dụ nsọ. Gẹ Chileke mee g'unubẹ ndu unu lẹ Kéreshi tugbaru buru nanu g'unu ha buru guu. Nokwa g'ọ dụ.

Bayıburu Izii
Izii: Bayıburu Izii Bible

copyright © 2014 Wycliffe Bible Translators, Inc.

Language: (Izii)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 30 Dec 2021 from source files dated 30 Dec 2021

c6885c7c-c550-5b8b-a4fe-4bd714af4f6d